

UTUMIKI WATHU WA UMAMBO

NTHANDA YA MALUWA YA 2011

SUMANA 8 YA MALIMWE

Nyimbo 44 na Phembero

□ Pfundziro Ya Bhibhlya Ya Mpingo:

bt-T nsolo 7 ¶14-18, mabokosi pa matsa. 57-58 (mph. 25)

□ Xikola Ya Utumiki Wa Mulungu:

Kuleri Bhibhlya: Masalmo 92-101 (mph. 10)

N.º 1: Masalmo 94:1-23 (mph. 4 peno zaku-cepa)

N.º 2: Umambo Wa Mulungu Unadzapa-sa Cakudya Kwa Anthu Onsene Na Kumalisa Mautenda—rs-T tsa. 301 ¶6-7 (mph. 5)

N.º 3: Citani Mphole-mphole Thangwi Ya Kunyengeta Kwa Mpufuma Zakudodomesa —Mat. 13:22 (mph. 5)

□ Nsonkhano Wa Basa:

Nyimbo 94

Mph. 5: Pidziwiso.

Mph. 10: Pangizani Cifuno kwa Mwanaciro

Nyumba. Nkhani yakubuluswa m'bukhu *Escala do Ministério*, matsamba 186-187. Pangizani mwacigwagwa citsandzo ca ntsonga ibodzi peno ziwiri za mphangwa zenezi.

Mph. 10: Pyakugumana Napyo pya Kutome-sa Mapfundziro a Bhibhlya. Nkhani yakucedza yakucitwa na muyang'aniri wa m'munda. Simbani mpingo thangwi yakuphedza masasanyiro akutomesa mapfundziro a Bhibhlya pa Sabudu yakutoma ya nthanda. Phembani anyakubvesera toera alonge pyakugumana napyo pidakhala na iwo. Cakugumana naco cibodzi peno piwiri pyakupambulika pinakwaniswa ku-pangizwa.

Mph. 10: "Dzina ya Mulungu Iceneswe." Mibvundzo na matawiyo. Dziwisani ntsiku ya nsonkhano wa cisa unafunu kudza khala musaidziwa.

Nyimbo 112 na Phembero

sa dzinace, makamaka kutomera caka ca 1931, ninga Mboni za Yahova, tatoma kudziwika na dzina ya Yahova. (Iza. 43:10, *Tradução do Novo Mundo*) Mwana m'bdzi ekha wa Mulungu, Yezu, apasa ntengo ukulu dzina ya Mulungu, mbaiikhia pa mbuto yakutoma mu phembero yace yacitsandzo. (Mat. 6:9, NM) Mafala a Yezu asapasa phata ya nsolo wa programu ya nsonkhano wathu wa cisa wa caka ca basa ca 2012. Nsolo wace ndi wakuti "Dzina ya Mulungu Iceneswe."

² **Tinadzabvanji:** N'Sabudu nsolo wakuti "Citisani Dzina ya Mulungu Kudziwika ninga Atumi-ki a Ndjidzi Onsene," unadzadinga tha-ngwi yanji basa ya ndzidzi onsene ndi njira ya umaso wakutsandzayisa. Tinadzabvambo nkhan-i yakusiyirana ya nsolo wakuti "Calirani Ku-pasisa Manyadzo Dzina ya Yahova." Nkhani ineyi inadzatiphedza kucalira kumangwa na misampha minai yakugopswa. Ninji cinafuna kudzatiphedza toera kumwaza mphangwa mwaphinga khala anthu apangiza cifuno caku-cepa? Ninji cinafuna kudzatiphedza toera kuci-ta mwakukwana utumiki wathu? Mibvundzo ineyi inadzatawirwa pa nkhanzi ya nsolo waku-ti "Thangwi Yanji Dzina ya Mulungu Isafunika Kuceneswa." N'Dimingu tinadzakhala na nkhan-i yakusiyirana ya makhundu manai, inadzadi-niga kuti tinakwanisa tani kucenesa dzina ya Mulungu kubulukira m'manyerezero athu, ma-longero, pisankhulo pyathu na makhaliro athu. Anthu apswa anadzakomerwa na nkhanzi ikulu ya nsolo wakuti, "Yahova Anadzacenesa Dzina-ce Ikulu pa Harmagedoni."

³ Mwakucimbiza, Yahova anadzacita pinthu toera kucenesa dzinace. (Ezek. 36:23) Mbulza-ti kufika ndzidzi unoyu, tiri na mawai wakutsidzikiza pinthu pyonsene pinapangiza dzina ya-kucena ya Yahova. Tisanyindira kuti programu ineyi ya nsonkhano wa cisa inadzaphedza to-nsene toera kukwanirisa mabasa athu ninga anyakukwata dzina ya Mulungu.

1. Ndi upi nsolo wa programu ya nsonkhano wa cisa wa caka ca basa ca 2012, na wabuluswa kupi?
2. Ndi mphangwa zipi zinafuna ife kudikhira pa nsonkhano?
3. Ndi mwai upi uli na ife, pontho programu ya nsonkhano inadzatiphedza tani?

'Dzina ya Mulungu Iceneswe'

¹ Ndi mwai ukulu kakamwe kwa ife kudziwi-ka na dzina ya Ntongi Wankulu Wakudzulu na Pantsi, Yahova! Mulungu ekhene ndiye adatipa-

1. Ndi upi nsolo wa programu ya nsonkhano wa cisa wa caka ca basa ca 2012, na wabuluswa kupi?

SUMANA 15 YA MALIMWE

Nyimbo 39 na Phembero

❑ Pfundziro Ya Bhibhlya Ya Mpingo:

*bt-T nsolo 8 ¶1-7, mabokosi pa matsa. 61-62
(mph. 25)*

❑ Xikola Ya Utumiki Wa Mulungu:

Kuleri Bhibhlya: Masalmo 102-105
(mph. 10)

N.º 1 Masalmo 105:1-24 (mph. 4 peno zaku-cepa)

N.º 2: Thangwi Yanji Nee Tisafunika Kuyang'ana Nduli Na Maba A Pintu Pida-siya Ife Pa Kutumikira Yahova —Luka 9:62
(mph. 5)

N.º 3: Umambo Wa Mulungu Unadzapassa Nyumba, Basa Na Citsidzikizo Kwa Anthu Onsene—rs-T tsa. 302 ¶1-4 (mph. 5)

❑ Nsonkhano Wa Basa:

Nyimbo 85

Mph. 5: Pidziwiso.

Mph. 10: Phedzani Anthu Anapangiza Ci-funo Toera Athambaruke. Nkhani yakubu-luswa m'bukhu *Escola do Ministério*, tsamba 187, ndima 6, mpaka tsamba 188, ndima 3.

Mph. 20: “*Mboni za Yahova—Ndi Zakukh-un-ganyika Toera Kumwaza Mphangwa Zadidi.*” Mibvundzo na matawiro. Phatisira-ni mphangwa ziri pa ndima yakutoma na yakumalisa toera kulonga mwacigwagwa ma-fala akutoma na akumalisa a nkhani ino. Mipi-ngo yakuti anthu azinji nee ali nayo vidyu ineyi, inakwanisa kuphatisira *Utumiki Wathu Wa Umambo* wa nthanda ya Gonko ya 2007, tsamba 3 ndima 4, mpaka tsamba 4 ndima 4, na tsamba 5 ndima 2, mpaka tsamba 6 ndima 1.

Nyimbo 47 na Phembero

Mboni za Yahova —Ndi Zakukhunganyika Toera Kumwaza Mphangwa Zadidi

Mu pyaka pyakupiringana 100, Mboni za Yahova ziri zakukhunganyika toera ku-mwaza mphangwa zadidi. M'basa ineyi iku-lu kakamwe yakumwaza mphangwa yakuti ikhadzati kucitwa pa dziko yapantsi, ife ti-sazimwaza mphangwa zenezi mu pilongero

pyakukwana madzana, ponho m'madziko akupiringana 230. (Mat. 24:14) Thangwi yanji basa ineyi ndi yakufunika? Kodi iyo isa-citwa tani pa dziko yonsene yapantsi? Vidyu yakuti *Testemunhas de Jeová—Organizadas para Pregar as Boas Novas* isatawira mibvun-dzo ineyi mu kupereka unyomonyomo wakusiyana-siyana wa mabasa athu anaci-twa pa dziko yonsene yapantsi. Mungamala kuona vidyu ineyi, tawirani mibvundzo ina-towerera.

Vidyu ineyi yakuphedzani tani toera ku-bvesesa na kupereka takhuta thangwi ya **(1)** kuwangisira kunacita gulu ya Yahova to- era kumwaza mphangwa zadidi? (2 Tim. 4:2) **(2)** mabanja a Beteli kuzungulira dziko yonsene yapantsi? **(3)** cipfundziso cinapa-swa ayang'aniri na amisionaryo? (2 Tim. 2:2) **(4)** kufunika kwa kutoma ntsiku ibodzi na ibodzi na lemba ya Bhibhlya na kukhu-nganyika misonkhano ya mpingo ya sumana na sumana? (Mach. 17:11) **(5)** maphindu akugumanika kwathu pa misonkhano Ya-cikristu? (Aheb. 10:24, 25) **(6)** nkhombo zinafuna imwe kutambira dziko yapantsi ingadzakhala Paradizu? (Iza. 11:9) **(7)** mwai uli na imwe toera kucita khundu m'ba-sa yakubvuna yakuti iri kuenda kutsogolo? —Jwau 4:35.

Vidyu ineyi isapangiza kukhala ferame-nitu yadidi kakamwe toera kulonga na anthu anapangiza cifuno thangwi ya basa ya dzi-ko yonsene yapantsi inacitwa na Mboni za Yahova. **(8)** Ndi ndzidzi upi wakuthema to-era kupangiza vidyu ineyi anyakupfundza athu a Bhibhlya, acibale athu, na anthu ana-ngo? **(9)** Ndi api maonero a anthu pidama-la imwe kuapangiza vidyu ineyi?

Munadinga ife pintu pinakwanirisa Ya-hova, tisakulumizika kutawira mafala a nyamasalmo: “*Mbuya Mulungu wathu, mwatichitira pyakudzumisa pizinji; nkhabe munthu wakulungama na Imwe pa kutisa-kira pyadidi.*” (Sal. 40:5) Tiphatisireni mwa-didi vidyu ineyi toera kupherda anango ku-pereka takhuta kwa Yahova na gulu yace!

SUMANA 22 YA MALIMWE

Nyimbo 54 na Phembero

❑ Pfundziro Ya Bhibhlya Ya Mpingo:

bt-T nsolo 8 ¶8-16 (mph. 25)

❑ Xikola Ya Utumiki Wa Mulungu:

Kuleri Bhibhlya: Masalmo 106-109 (mph. 10)

N.º 1: Masalmo 109:1-20 (mph. 4 peno zaku-cepa)

N.º 2: Umambo Wa Mulungu Unadzacitisa
Kuti Udidi Na Kulungama Pikhale Pya Kwe-nda Na Kwenda—rs-T tsa. 302 ¶5-7 (mph. 5)

N.º 3: Towezerani Pitsandzo Pya Yahova Na
Yezu Mu Kupangiza Cilemedzo Cadidi
(mph. 5)

❑ Nsonkhano Wa Basa:

Nyimbo 132

Mph. 10: Pidziwiso. ‘Pinafuna Mulungu Mbapicitwe.’ Mibvundzo na matawiyo. Dzisi-sani ntsiku ya nsonkhano wakupambulika una-funa kudza khala musaidziwa.

Mph. 25: “Munakwanisa ‘Kupita Na Ku Ma-sedonya?’” Mibvundzo na matawiyo. Khala alipo, bvundzani m’mwazi mphangwa waku-ti akhadacinja kuenda ku cisa cakuti cikhali na kufuna kukulu kwa amwazi mphangwa a umambo toera kuendesa kutsogolo basa yakum-wa za mphangwa.

Nyimbo 95 na Phembero

‘Pinafuna Mulungu Mbapicitwe’

¹ Ife tacitwa thangwi ya kufuna kwa Yahova. (Apok. 4:11) Natenepe, pinanentsa kukwaniri-sa cifuniro cakukhala kwathu maso tingakhonda kupfundza na kucita cifuno ca Mulungu. Nee ndi pyakuhonda nentsa ninga munaone-keria ipyo, thangwi tisafunika kuthimbana na cipendamiro cankati cakucita ‘pire pinasirira manungo’ peno kucita “pya ajentiu [anthu a dziko, *Tradução do Novo Mundo*.]” (Aef. 2:3; 1 Ped. 4:3; 2 Ped. 2:10) Mwakusowa cipherdo ca Yahova, mbatidakhala pangozwi ya ‘kuma-ngwa na misampha ya [Dyabo] mbaticitisa pi-nafuna iye.’ (2 Tim. 2:26) Programu ya ntsiku

1. Ndi upi nsolo wa programu ya ntsiku ya nsonkhano wakupambulika wa caka ca basa ca 2012, thangwi yanji ndi pyakuthema kudinga nsolo unoyu?

ya nsonkhano wathu wakupambulika wa caka ca basa ca 2012 inadzatiphedza toera kuphata basa mwakubverana na phembo yacitatu idati-pfundzisa Yezu toera kuperbera. (Mat. 6:9, 10) Nsolo wa nsonkhano ndi wakuti ‘Pinafuna Mulungu Mbapicitwe.’

2 Mibvundzo Inafuna Kudzatafirwa: Mu-nabvesera imwe programu ya nsonkhano, sa-kani kutawira mibvundzo iyi: Ndi cinthu cipi cinango cinafunika ife kucita kusiyapo *kubve-sera* Mafala a Mulungu? Tinakwanisa tani ku-dzindikira pinafuna Mulungu kwa ife? Thangwi yanji tisafunika kukhala akufunisia kuphedza anthu a mitundu yonsene? Tinagu-mana tani umaso wakutsandzayisa? Aphale na atsikana, musafunika kupangizanje kuna Yahova? Ndi maphindu api anafuna kutambirwa thangwi yakucita pinafuna Mulungu? Thangwi yanji mwakucimbiza ndi kwakufunika kuwangisa na kuwangisa anango?

³ Citani pyonsene toera kugumanika, po ntho bveserani mwacidikhodikho programu ya nsonkhano. Muimiriri wakubuluka ku Bete-li peno muyang’aniri wakufamba-famba pana-ngo anadzagumanikambo pa nsonkhano ni-nga nyakucita nkhani wamulendo. Mbidzati kutoma peno pakumala kwa programu, khala-ni wakusudzuka toera kucedza na iye peno na nkazace, khala ndi nyakumanga banja. Mu-ningabwerera kunyumba lekani kukhala ‘nyaku-bva wakuduwalu pyonsene,’ mbwenye bwere-zerani programu ya nsonkhano ninga banja, pontho cedzani kuti munacita tani pinthu mwakubverana na cifuno ca Mulungu.—Tgo. 1:25.

⁴ Mwakukhonda dembuka, ale anacita pifu-no pyawo na ale anakhonda kungonjera to-era kucita cifuno ca Yahova anadzafudzwa. (1 Jwau 2:17) Mwandimomwene, tisaperekta takhuta nakuti Yahova asakhunganya mphangwa izi mu ndzidzi wakuthema toera kutiphe-dza kuti kucita cifuno ca Mulungu kukhale pa mbuto yakutoma mu umaso wathu!

2. Ndi mibvundzo ipi inafuna kudzatafirwa nka-ti mwa programu ya nsonkhano?
3. Tinaphindula tani mwakukwana na programu ya ntsiku ya nsonkhano wakupambulika?
4. Thangwi yanji ndi pyakufunika kuti kucita ci-funo ca Mulungu kukhale pa mbuto yakutoma mu umaso wathu?

Munakwanisa “Kupita Na Ku Masedonya”?

¹ Mu caka 49 N.W., (Ndzidzi Wathu) mpostolo Paulu asiya cisa ca Antyokiya wa ku Asirya toera kucita ulendo wace waciwiri wa umisionaryo. Cifuno cace cikhali kucedzera cisa ca Efeso na pisa pinango pya Azya Menori. Mbwenye, iye atambira ncemero kubulukira ku citsogolero ca nzimu toera “kupita na ku Masedonya.” Mwakutsandzaya Paulu na axamwali ace atawira ncemerero unoyu, pontho iwo akhala na mwai wakukhazikisa mpingo wakutoma mu cisa ceneci. (Mach. 16:9, 10, *Tradução do Novo Mundo*; Mach. 17:1, 2, 4) Lero, mbuto zinango mu dziko yonsene yapantsi ziri na kufuna kukulu kwa anyabasa akubvuna. (Mat. 9: 37, 38) Munakwanisa kupheda.

² Panango imwe muli na nzimu wa umisionaryo ninga wa Paulu, mbwenye mudzati kudinga mwakukwana pya kucinja toera kuenda ku cisa cinango cakusiyana. Mwacitsando, panango makhaliro anu nkhabe kukutawirisani toera kupita pa Xikola ya Bihibhya kwa Abale Akukhonda Kumanga Banja, thangwi ya thunga yanu, peno thangwi yakuti ndimwe ntsikana, peno muli na ana ang'ono. Panango mudzati kudinga pya kucinja toera kuenda ku cisa cakuti ciri na kufuna kukulu thangwi nkhabe cinyindiro cakuti munakwanisa kupfundza cilongero cinango. Peno mwasiya cigawo canu toera kukhala mu nzinda thangwi ya nyatwa za mpfuma mbwene ye musalangalira kucinna pontho. Mungamala kudinga mwacidikhodikho, munakwanisa kuona kuti makhaliro anewa nee anakucimwanisani kucinja toera kuenda ku cisa cakuti ciri na kufuna kukulu kwa amwazi mphangwa.

³ **Mphyakufunika Kupfundza Xikola ya Umisionaryo?** Ninji cidacitisa Paulu na axamwali ace kumpembera? Iwo akhanyindira Yahova na nzimu wace wakucena. (2 Akor. 3:1-5) Natenepa, ngakhale kuti makhaliro anu nee asakutawirisani toera kutambira mapfundziro akupambulika, munakwanisa kipitiriza kumpembera pa kumwaza mphangwa mu cisa cakuti ciri na kufuna kukulu. Kumbukani, imwe muli kutambira mapfundziro ndzidzi onsen, kubulukira ku Xikola ya Utumiki wa Mulungu na Nsonkhanwa Basa. Khala muli na cifuno cakugumanika pa Xikola ya Bihibhya kwa Abale Akukhonda Kumanga

1. Ninji cidacitisa Paulu na axamwali ace kuenda ku Masedonya?
2. Thangwi yanji anthu anango nkhabe kudinga toera kucinja kuenda ku mbuto yakuti iri na kufuna kukulu?
3. Thangwi yanji xikola ya umisionaryo nee ndi phembo toera kumpembera pa kumwaza mphangwa mu cisa cakuti ciri na kufuna?

Banja, kucinja kwanu toera kuenda ku cisa cinango toera kuyesera ntundu unoyu wa basa, kunadzakucitisani kukhala na pyakugumana nappy pyakuti munadzapiphatisira ntsogolo mungathema toera kutambira mapfundziro akuthimizirika.

⁴ **Anyakugwesera:** Abale na alongo akugwesera akukola mwauzimu akuti ali na ungumi wadidi anakwanisambo kuphedza m'mbuto zakuti ziri na kufuna kukulu kwa amwazi mphangwa. Mwasiya kuphata basa ya dziko? Anango akuti asatambira phanceni ya kobiri yakucepa ali akusudzuka toera kucinja kuenda ku mbuto zinango za madzikos akuti ntengo wa pinthu ndi wakucepa kupiringana nzinda wa kwavo.

⁵ M'bale m'bodzi wakuti ndi nkulu wa mpingo, pontho ndi mpainiya, asiya kuphata basa ku diko inalongwa Cingerezi, acinja mbaenda ku mbuto inagumanika anthu azinji akubuluka ku madzikos anango a Azya Wakubangwe. Acinja toera kaphedza nsoka unalongwa Cingerezi, wakuti ukhali na amwazi mphangwa apfemba. Nsoka unoyu wamwaza mphangwa kwa anthu akukwana 30.000 akhakhala mu cisa ceneci akuti abuluka ku madzikos anango. Nkati mwa pyaka piwiri, anthu akukwana 50 akhagumanika pa misonkhano ya mpingo. M'bale alemba: “Kucinja kwandicitisa kukhala na nkhombo zadidi kakamwe zakuti cipo ndakhala nazo kale. Ndzidzi nkhabe kunditawirisa toera kulonga nkhombo zezei!”

6 Alongo Akuti Adzati Kumanga Banja Peno Azice: Yahova asaphatisira kakamwe alongo toera kumwaza mphangwa zadidi mu pisa pyakuti piri na kufuna kukulu kwa amwazi mphangwa. (Sal. 68:11, NM) Mulongo m'bodzi wacitsikana akhali na cifuno cakuthimizira utumiki wace mu kucinja kuenda ku mbuto yakuti iri na kufuna kukulu, mbwenye anyakubalace akhadzudzumika thangwi ya citsidzikizo cace. Natenepa, iye alemba ofesi ya filiali, mbatambira ciphedzo na mphangwa zinalonga pya kucinja. Iye abuluka pa nyumba mbamala pyaka pitanthatu ku cisa cakuti cikhali na kufuna kukulu, atsandzaya na nkhombo zizinji. Iye alonga: “Pa cisa cidaboluka ine mbindidakhala na miyai yakucepa yakutitisa mapfundziro a Bihibhya. Mbwenye kutumikira ku mbuto yakuti ikhali na kufuna kukulu, kwandicitisa kukhala na mapfundziro mazinji, pontho kwandiphedza kukulisa luso yanga yakupfundzisa.”

4. Thangwi yanji anyakugwesera nee asafunika kupwaza nyerezero ya kumwaza mphangwa mu pisa pinango?
5. Longani cakugumana naco ca m'bale m'bodzi adasiya kuphata basa mbacinja kuenda ku dziko inango?
6. Longani cakugumana naco ca mulongo wakukhonda kumanga banja adaenda ku cisa cakuti cikhali na kufuna kukulu kwa amwazi mphangwa.

Pisa Khumi Pinagumanika m'Mosambiki Pyakuti Piri na Kufuna Kukulu kwa Amwazi Mphangwa

Gawo	Cilongero	Anthu (2007)	Amwazi Mphangwa
Ciure, Kabo Delgado	Cimakuwa	230.044	4
Sanga, Niassa	Ciyao	56.282	0
Moma, Nampula	Cimakuwa	329.181	3
Mag. da Kosta, Zambézia	Cixuabo	282.173	10
Xangara, Tete	Cicewa	156.738	31
Mossurize, Manika	Cixona	195.182	21
Xemba, Sofala	Cisena	65.107	44
Inyarrime, Inyambane	Cicopi	97.471	27
Cikualakuala, Gaza	Citsonga	38.780	13
Namaaxa, Maputo	Citsonga	41.914	15

Cidzindikiro: Pana pisa pinango pizinji m'Mosambiki pyakuti piri na kufuna kukulu kwa amwazi mphangwa. Taphata miyendo lemeran i ofesi ya filiali khala musafuna kuthimizira utumiki wanu.

⁷ **Mabanja:** Khala muli na anapiana, asakucimwanisani kucinja kuenda ku cisa cakuti ciri na kufuna kukulu kwa amwazi mphangwa toera kuendesa kutsogolo basa yakumwaza mphangwa zadidi? Banja ibodzi yakuti iri na ana awiri, m'bodzi wa pyaka pisere unango khumi, yatonga toera kuyesera kucinja. Mama alemba cakugumana naco cawo: "Tiri kupereka takhuta kakamwe nakuti takwanisa kukuza anathu kuno, thangwi acita uxamwali na apainiya akupambulika pontho na amisionaryo. Umaso wathu wapfuma thangwi ya kutumikira ku mbuto yakuti iri na kufuna kukulu kwa amwazi mphangwa."

⁸ **Kudzudzumika na Cilongero:** Manyerezero akupfundza cilongero cipswa asakucimwanisani kucinja toera kuenda ku cisa cinango? Panango cilongero canu cisalongwa mu pisa pinango pyakuti piri na kufuna kukulu kwa amwazi mphangwa a Umambo. Pyenepi pisapangizwa mu cakugumana naco ca banja ibodzi yakuti ikhali na cifuno ca kuthimizira utumiki wawo. Pidamala iwo kutambira mphangwa za ofesi ya filiali za mipingo yakuti ikhali na pisa pyakuti pisalonga cilongero cawo, iwo asankhula mpingo ubodzi mbaendako kawiri. Iwo abwerera ku nyumba, apungula kobiri inabvunga iwo pa nthanda, mbakoya kobiri pa caka cibodzi. Pidamala iwo kukhunganyika toera kucinja, abale a ku cisa ceneci aaphedza toera kugumana nyumba ya kobiri yakucepa.

7. Longani cakugumana naco ca banja idacinja kuenda ku mbuto yakuti iri na kufuna kukulu kwa amwazi mphangwa.

8. Mphyakufunika kupfundza cilongero cinango toera kutumikira ku mbuto yakuti iri na kufuna kukulu kwa amwazi mphangwa? Fokotozani.

⁹ **Anyakutama:** Mwatamira ku dziko inango peno mu nzinda ukulu wa Mosambiki, panango mbamudzati kupfundza undimomwene? Panango cigawo peno cisa cidabalwa iwe ciri na kufuna kukulu kwa anyabasa akubvuna. Munakwanisa kuyerezera pya kubwerera toera kuphedza? Panango pinadzakhala pyakuhonda nentsa kwa iwe kugumana basa na nyumba, mbuto mwa munthu wa ku dziko inango peno luwani inango. Panango musalonga cilongero ca pa cisa. Mwakuthimizira, anthu anadzakhala akufunisia kubvesera mphangwa za Umambo zinamwaza iwe kupiringana munthu anaona iwo ninga wakudza.

¹⁰ Mamuna m'bodzi abuluka ku Albanya mbaenda ku Italia ninga nyakuthawa nkhondo, kweneko agumana basa yadidi kakamwe, akhatumiza kobiri kuna banjace ku Albanya. Mudamala iye kudziwa undimomwene, aphembwa na ofesi ya filiali ya Albanya kuti abwerera ku Albanya toera apfundzise Cialbanya nsoka wa apainiya akupambulika a ku Italia, akuti akhafuna kucinja toera kutumikira ku mbuto yakuti iri na kufuna kukulu. M'bale uno-yu alemba: "Apainiya anewa akhafuna kuenda ku cisa cidabuluka ine. Iwo nee akhadziwa cilongero, mbwenye akomerwa toera kuenda ku cisa ceneci. Ine ndine wa ku Albanya, pontho ndisalonga Cialbanya. Ninji pikhacita ine ku Italia?" M'bale atonga kubwerera ku Albanya toera kuphedza kumwaza mphangwa zadidi. Iye alonga: "Ndisatumbikika thangwi yakusiya basa yanga yadidi na kobiri ku Italia? Na pang'ono pene! Ndagumana basa *yadidi* ku Albanya. Kwa ine, basa yadidi kakamwe na

9, 10. Ninji pinafunika kudingwa na ale anasiya dziko yawo mbaenda ku dziko inango, thangwi yanji?

inabweresa kutsandzaya kwakukhonda mala ndi kutumikira Yahova na pyonsene piri na ife!"

¹¹ **Tinacita Tani Pyenepi:** Mbadzati kuenda ku Masedonya, Paulu na axamwali ace akhafuna kuenda ku madokero a dzuwa, mbwenye "akhadakhondebswa na nzimu wakuchena," natenepa iwo aenda kumulolo. (Mach. 16:6) Pikhakhala iwo cifupi na Bitinya, Yezu aakhondesa. (Mach. 16:7) Kubulukira mwa Yezu, Yahova asapitiriza kuonera basa yakumwaza mphangwa. (Mat. 28:19) Natenepa, khala imwe musanyerezera kucinja toera kuthimizira utumiki wanu, pemberani toera kuphemba citsogolero ca Yahova.—Luka 14:28-30; Tgo. 1:5; onani bokosi "Pisa Khumi Pinagumanika m'Mosambiki Pyakuti Piri na Kufuna Kukulu kwa Amwazi Mphangwa."

¹² Phembani maonero a akulu a mpingo wanu na Akristu anango akukola mwauzimu. (Mis.11:14; 15: 22) Lerini mphangwa zidabuluswa zinalonga pya kutumikira ku dziko inango na sakani kudziwa pisa pyonsene pinanyerezera imwe kuenda. Munakwanisa kuenda kaona cisa cinafuna imwe kuenda, panango ntsiku zakucepa mbazidzati kufika ntsiku zinafuna imwe kuenda? Khala musafunadi kucinja kuenda ku cisa cinango, musafunika kulembera ofesi ya filiali toera mupaswe mphangwa zakuthimizrika. Natenepa, mbuto mwa kutumiza mwekhene tsamba yanu ku ofesi ya filiali, ipaseni akulu a mpingo wanu, toera alembe mphangwa zinango zakuthimizrika mbidzati kutumizwa tsamba ineyi.—Onani buku *Organizados Para Fazer a Vontade de Jeová*, matsamba 111-112.

¹³ Ofesi ya filiali inadzakutumizirani mphangwa zakuphedza zinalonga pya cisa cenevi toera kukuphedzani kucita pisankhulo, mbwenye iwo nee anadzakuphedzani kulipa kobiri ya ulendo wanu peno nyumba inafuna khala imwe. Pyenepi ndi pinthu pinafunika imwe kudinga mwadidi *mbamudzati* kucinja. Ale anacinja asafunika kutsalakana pyakufuna pyawo na pya mabanja awo.—Agal. 6:5.

¹⁴ **Madziko Akuti Basa Yathu Isakhondeswa:** M'madziko anango, abale na alongo anakhala kweneku asafunika kukhala akucenjera mu kulambira kwavo. (Mat. 10:16) Amwazi mphangwa anaenda kaona peno anacinja kuenda ku madziko anewa, mwakukhonda dziwa anakwanisa kuikha pangozwi basa yathu, mbaikhambo pangozwi citsidzikizo ca

11, 12. Ale ananyerezera kucinja toera kuenda ku cisa cakuti iri na kufuna kukulu kwa amwazi mphangwa asafunika kucitanji?

13. Ofesi ya filiali inadzakuphedzani tani, mbwenye nini pinafunika imwe kutsalakana mwekhene?

14. Tinacita tani mpholemphole khala tisafuna kucinja peno kuenda kaona dziko yakuti basa yathu isakhondeswa?

abale a pa cisa. Khala musanyerezera kucinja toera kuenda ku madziko anewa, taphata miyendo, lemberani ofesi ya filiali ya pa dziko yanu kubulukira kwa nsoka wa akulu a mpingo wanu mbamudzati kucita pizinji.

¹⁵ **Khala Nee Munakwanisa Kucinja:** Mwandi momwene, azinji makhaliro awo nkhabé kuatawirisa toera kucinja kuenda ku cisa cakuti ciri na kufuna kukulu. Khala nee munakwanisa kucinja, lekani kufewesa manungo. Panango 'unafunguka nsuwo unango ukulu' wa basa kwa imwe. (1 Akor. 16: 8, 9) Panango muyang'aniri wanu wa cisa asaddziwa mbuto zakuti munakwanisa kutumikira mbamukhonda kucinja mbuto inakhala imwe cincino. Panango munakwanisa kuphedza mpingo peno nsoka uli cifupi. Panango munakwanisa kuthimizira utumiki wanu m'mpingo unatumikira imwe cincino. Mwakukhonda tsalakana makhaliro anu, cinthu cakufunika kakamwe ndi kuti imwe mukutumikira na ntima onsene mu utumiki.—Akol. 3:23.

¹⁶ Musadziwa Nkristu wakukola mwauzimu wakuti ali na cifuno cakutumikira ku cisa cakuti ciri na kufuna kukulu kwa amwazi mphangwa a Umambo? Natenepa mphedzeni, pontho muwangiseni! Mudasiya Paulu Antyokiya wa ku Sirya, ukhali nzinda ukulu wacitatu mu Utongi Waciroma (nduli mwa Roma na Alexandriya). Thangwi ya cisa cikulu cenevi, mpingo wa ku Antyokiya panango ukhafuna kakamwe ciphedzo ca Paulu, pontho iwo mbadantswa khala iye asiya cisa cenevi. Mbwenye Bhibhly nee isalonga kuti abale afewesa manungo a Paulu toera akhonde kuenda. Pisaonekeratu pakweca kuti mbuto mwakukhala na maonero akucepa, iwo akumbuka kuti "munda ndi pantsi pano ponsene."—Mat. 13:38.

¹⁷ Paulu na axamwali ace apaswa nkhombo thangwi yakutawira ncemerero wa kupita na ku Masedonya. Mu ndzidzi ukhakhala iwo mu nzinda wa Masedonya wa ku Filipi, iwo agumana Lidya, 'iye abvesera na ndzeru zikulu mafala a Paulu, thangwi Mulungu akhadasanduza ntima wace.' (Mach. 16: 14) Nyerezerani kutsandzaya kudakhala na Paulu na amisionaryo andzace pa ndzidzi wakuti Lidya na onsene a mudzi wace abatizwa! M'madziko mazinji, muli na anthu a mitima yadidi ninga Lidya akuti adzati kupangizwa mphangwa za Umambo. 'Mungapita na ku Masedonya' munakhala na mwai wakugumana na kuphedza anthu anewa.

15. Ale akuti makhaliro awo nkhabé kuatawirisa kucinja anakwanisa tani kuthimizira utumiki wavo pa cisa cawo?

16. Tinatsalakana tani ale akuti ali na cifuno ca kuthimizira utumiki wavo?

17. Ndi mathangwi api alipo toera kudinga pya "kupita na ku Masedonya"?

SUMANA 29 YA MALIMWE

Nyimbo 33 na Phembero

❑ Pfundziro Ya Bhibhlya Ya Mpingo:

bt-T nsolo 8 ¶17-24, bokosi pa tsa. 67
(mph. 25)

❑ Xikola Ya Utumiki Wa Mulungu:

Kuleri Bhibhlya: Masalmo 110-118 (mph. 10)
Kubwerezera Kwa Xikola Ya Utumiki Wa Mulungu (mph. 20)

❑ Nsonkhano Wa Basa:

Nyimbo 128

Mph. 10: Pidziwiso. Phatisirani citsando ca kuperaka umboni cinagumanika pa tsamba 8, pangizani kuti tinatomesa tani pfundziro pa Sabudu yakutoma mu nthanda ya Nyenzi. Wangisan onseno toera kucita khundu. Ninga nkhanzi, dingani nsolo wakuti "Gawirani Marevista Akale peno Bruxura Yonsene Yakuti Isabverana na Cifuno ca Munthu."

Mph. 15: Aphinga, Maseze ndi Akugwesera. Nkhani yakucedza yakubuluswa mu *Anuario de 2011*, tsamba 61, ndima 1-2; tsamba 67, ndima 1; na tsamba 135, ndima 2, mpaka tsamba 136, ndima 1. Phembani anyakubvesera toera alonge pidapfundza iwo.

Mph. 10: Khunganyikani Toera Kugawira Marevista Mu Nthanda Ya Nyenzi. Nkhani yakucedza. Phatisirani mphindzi ibodzi peno ziwiri toera kudinga pya n'kati mwa marevista. Buluka penepo sankhulanzi misolo miwiri peno mitatu, phembani anyakubvesera kuti alonge mibvundzo na malemba akuti anakwanisa kuphatisirwa pa kugawira marevista. Pangizani kuti revista ibodzi na ibodzi inagawirwa tani.

Nyimbo 122 na Phembero

"Gawirani Marevista Akale peno Bruxura Yonsene Yakuti Isabverana na Cifuno ca Munthu"

Nkati mwa nthanda zizinji tisagawira buku *Biblia Isapfunzisanji*, na kutomesa pfundziro pa ulelendo wakutoma. Khala mwanaciro nyumba ali nayo kale buku *Biblia Isapfunzisanji* mbwenye nee atawira pfundziro ya Bhibhlya, munakwanisa kumpangiza marevista na mabrxura ali na imwe, mphembeni toera asankhule revista peno bruxura inafuna iye. Natenepe, citani masasanyiro a ulendo wakubwerezera toera kukulisa cifuno ca munthu unoyu. Panango analazatawira pfundziro ya Bhibhlya.

nisa kukhuya ntima wa mwanaciro nyumba. Natepe, pakukhunganya pasta yanu ya basa ya m'munda, phatanizani mabrxura na marevista akale akusiyana-siyana. Khala imwe nkhabe marevista akale, panango munakwanisa kuagumana kubulukira ku mbuto inakoyerwa marevista m'mpingo. Buluka penepo, khala mwanaciro nyumba ali nayo kale buku *Biblia Isapfunzisanji* mbwenye nee atawira pfundziro ya Bhibhlya, munakwanisa kumpangiza marevista na mabrxura ali na imwe, mphembeni toera asankhule revista peno bruxura inafuna iye. Natenepe, citani masasanyiro a ulendo wakubwerezera toera kukulisa cifuno ca munthu unoyu. Panango analazatawira pfundziro ya Bhibhlya.

Kubwerezera Kwa Xikola Ya Utumiki Wa Mulungu

Mibvundzo yakutowerera iyi inadzadingwa pa Xikola Ya Utumiki Wa Mulungu nkati mwa sumana inatoma pa ntsiku 29 ya nthanda ya Malimwe ya 2011.

1. Kufuna kwakukoma ntima kwa Mulungu nkhwadidi tani "kupita moyo"? (Sal. 63:3) [w01-T 15/10 tsa. 15 ndima 17]
2. Lemba ya Masalmo 70 isalonganji thangwi ya Dhavidhi? [w08-T 15/9 tsa. 4 ndima 4]
3. Lemba ya Masalmo 75:5 isaticenjezanji? [w06-T 15/7 tsa. 11 ndima 2]
4. Ndi ndzidzi upi unadikhira ife kuti Yahova abvesere maphembero athu? (Sal. 79:9) [w06-T 15/7 tsa. 12 ndima 5]
5. Ndi pinthu pipi 'pyakubisika' pinalongwa pa Masalmo 90:7, 8? [w01-T 15/11 matsa. 12-13 ndima 14-16]
6. Ninga musapangiza Masalmo 92:12-15, ndi basa ipi idapasha abale akugwesera m'mpingo? [w04-T 15/5 matsa. 13-14 ndima 14-18]
7. Adalemba Masalmo 102:25-27, asiyanisa cifuniro ca Mulungu thangwi ya dziko yapantsi? (Gen. 1:28) [w08-T 1/4 tsa. 12 ndima 2]
8. Tinapfundzanji kubulukira ku manyerezero anapangizwa ife pa Masalmo 106:7 thangwi yakukhonda kuhala na ndzeru? [w95-T 1/9 tsa. 19 ndima 4-tsa. 20 ndima 2]
9. Mwakubverana na Masalmo 110:1, 4, ndi dumbiro ipi idacita Yahova thangwi ya Mbeu peno Mesiya, pontho dumbiro ineyi inatso-golera tani anthu onseno toera kutambira nkhombo? [c1-T tsa. 194 ndima 13]
10. Nyamasalmo akhuiwa tani pa ndzidzi ukhanyerezera iye mwacidiakhodikho nkhombo za kutumikira Mulungu? (Sal. 116:12, 14) [w09-T 15/7 tsa. 29 ndima 4-5]

SUMANA 5 YA NYENZI

Nyimbo 75 na Phembero

❑ Pfundziro Ya Bhibhly Ya Mpingo:

bt-T nsolo 9 ¶1-7, bokosi pa matsa. 68, 70 (mph. 25)

❑ Xikola Ya Utumiki Wa Mulungu:

Kuleri Bhibhly: Masalmo 119 (mph. 10)

N.º 1: Masalmo 119:49-72 (mph. 4 peno zakucepa)

N.º 2: Thangwi Yanji Malemba Asawangisa
Kugopa Yahova—Deut. 5:26 (mph. 5)

N.º 3: Umumbo Wa Mulungu Unadzalamusa
Anthu Akufa—rs-T tsa. 303 ¶1-4 (mph. 5)

❑ Nsonkhano Wa Basa:

Nyimbo 111

Mph. 5: Pidziwiso:

Mph. 10: Tisapfundzanji? Nkhani yakucedza. Lereni Machitiro 5:17-42. Dingani kuti mphangwa zenezi zinatiphedza tani mu utumiki wathu.

Mph. 10: Nkhani Yakucedza. Bwerezerani ntsonga za Nsonkhano wa Gavo wa nsolo wakuti ‘Uمامبو Wa Mulungu Mbudze!’ zakuti amwazi mphangwa aziona kukhala zakuphata basa mu utumiki. Khala kucedza kweneku kwacitwa kale, ndzidzi udu-sala ungakwaniswe kuphatisirwa toera kulonga pyakufunika pyapampingo.

Mph. 10: Khunganyikani Basa ya Utumiki Ni-nja Banja. Mibvundzo na matawiyo pabodzi na citsandzo. Bvundzani anyakumanga banja, pontho bvundzanimbo banja yakuti iri na ana kuti asaphatisira tani Kulambira kwavo kwa Banja namaulo toera kukhunganyika basa ya utumiki. Buluka penepo phe-mbanzi nsolo wa banja ibodzi toera apangize mwaci-gwagwa na banja yace kuti iwo asakucita tani pye-nepi.

Nyimbo 88 na Phembero

Pidziwiso

■ Mabukhu anafuna kugawirwa mu **Nthanda ya Malimwe:** Bruxura yonsene yakukhala na matsamba 32: *Anga-fa Munthu Anafuna Imwe, A Vida—Teve um Criador?, Como Ter uma Vida Satisfatória* (yacitirwa anthu akuti nkhabé kutawira kuti Nsasanyi ali na makhaliro, pontho nkhabé kutawira buku yakupumirwa na Mulungu), *Kodi Mulungu Asatis-lakanadi?*, *Njira ya ku Umaso Okhonda Mala—Kodi Imwe Mwaigumana Kale?*, (kwa Afrika), *Nossos Problemas—Quem nos Ajudará a Solucioná-los?* (yacitirwa Maindu), *Mizimu Ya Akufa—Ingakwanise Kukuphedzani Peno kukucitani Pyakuipa?* *Kodi Iyo Iripodi?*, *O Caminho para a Paz e Felicidade* (yacitirwa Abudista), *O Nome Divino Que Durará Para Sempre, Paz e Felicidade Duradouras—Como Encontrá-las* (yacitirwa Axina), na *Verdadeira Fé—O segredo de uma Vida Feliz* (yacitirwa Mamusulmano). **Nyenzi:** *Kodi Mwandinomwene Bibly Isapfunzisanji?* Wangisirani toera kutomesa mapfundziro a Bhibhly pa ulendo wakutoma. Khala mwanaciro nyumba ali nayo kale buku ineyi mbwenye nee atawira pfundziro ya Bhibhly, amwazi mphangwa anakwanisa kugawira marevis-

ta akale peno bruxura yonsene yakuti isabverana na cifuno ca munthu.

■ Mavidyu akuti *Testemunhas de Jeová—Fé em Ação, Parte 1: Da Escuridão para a Luz*, na *As Maravilhas da Criação Revelam a Glória de Deus* anadzadingwa pa Misonkhano Ya Basa inafuna kudza. Khala musaafuna, munakwanisa kuaphembwa mwakucimbiza kubulukira m'mpingo wanu.

■ Nakuti caka ca basa ca 2011 ciri cifupi na kumala, tiri ku-wangisa amwazi mphangwa onsenet kuti adinge makhaliro awo toera kuona khala anakwanisa kuthimizira mabasa awo a utumiki wa m'munda. Tiri kukumbusambo amwazi mphangwa onsenet kuti apereke malipoti awo a basa ya m'munda kwa muyang'aniri wawo wa nsoka pakumala kwene kwa nthanda. Tingacita pyenepi, tonsene tinadzacita khundu toera tipereke lipoti yakulinganira na yakuwangisa pa nthanda ya Malimwe.

Njira Za Maperekero Aumboni

Toera Kutomesa Mapfundziro a Bhibhly pa Sabudu Yakutoma mu Nthanda ya Nyenzi

“Anthu a madzikoro akusiyana-siyana na apikhulupiro pyakusiyana-siyana asaphembera ntsiku zonsene. Musanyerezera kuti Mulungu asabvesera na asatawira maphe-mberro onsenet?” Dikhirani ntawiro. Buluka penepo, pasani mwanaciro nyumba *A Sentinel* ya 1.º de Setembro, dingani pabodzi mphangwa zinagumanika pantsi pa nsolo ung’ono wakutoma pa tsamba 16, pontho lerini lemba ibodzi mwa malemba anagumanika mu ndima. Perekani marevista, pontho citani masasanyiro akubwerera toera kudinga ntawiro wa mbvundzo unatowerera.

^a SENTINELA ® 1.º de Setembro ANUNCIANDO O REINO DE JEÓVÁ

Pangizani munthu tsamba yakutoma ya revista, buluka penepo bvundzani: “Munatawira tani mbvundzo uyu? [Dikhirani ntawiro.] Onani pinalonga Bhibhly. [Lerini 1 Jwau 5:19.] Mwakubverana na lemba iyi, ‘demonyo,’ peno Dyabo, asatonga dziko yapantsi. Mbwenye pyenepi pisacitisa kuoneka mbvundzo inango. Dyabo abuluka kipi? Iye ndi munthu wandimomwene? Mpaka lini Mulungu anamulekerera kutonga dziko? Revista iyi isapangiza pinalonga Bhibhly.”

Despertai!® ya Setembro

Anthu azinji lero asathabuka na nyatwa za kobiri. Thangwi yanji musaona kukhala kwakunentsa kuguma-na kobiri? [Dikhirani ntawiro.] Bhibhly iri na uphangu wandzeru wakuti waphedza anthu azinji kuphatisira mwadidi kobiri yavo. [Lerini lemba ibodzi mwa malemba anagumanika pa matsamba 8-9.] Revista iyi isapereka maonero akuphata basa kwa ale anathimbana na mangawa.”

Ntsongwa Zikulu za Basa ya M'Munda

Ntemo wa Kristu toera ‘kucita anyakupfundza’ ukutowewza mwakukwana mu cisa cathu. Mu nthanda ya Murope kwacitwa maulendo akubwerera akukwana 283.883 na kwacitwa mapfundziro a Bhibhly apanyumba akukwana 59.826. Yahova asapasa nkhambo kuwangisira kwathu, pyenepi pisapangizwa na kubatizwa kwa anthu apswa akukwana 887 mu caka cino ca basa, mwa anyakupfundza apswa anewa, 140 abatizwa mu nthanda ya Murope.